



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE ECCLESIA|| TRIVMPHANTE,|| TRIBVS LIBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XIV. Soluitur argumentum secundum.

[urn:nbn:de:hbz:466:1-53909](https://nbn-resolving.de/urn:nbn:de:hbz:466:1-53909)

aut Apollinem, &c. ut obseruarunt Origenes lib. 6. contra Celsum paulò ante medium. Eusebius lib. 4. præpar. c. 6. Laetant. li. 2. c. 16. & Sulpitius in vita B. Martini. hoc idem Scriptura testatur, cum Deut 32. dicit: *Immolauerunt demoniis, et non Deo.* Et Psal. 95. *Dix Gentium demonia, &c.* Et 1. Cor. 10. *Quæ immolant Centes, demonibus immolant, & non Deo.*

Alij nec simulacrum, nec homines mortuos, nec dæmones in idolis colere se dicebant, sed partes mundi; nam in idolo Apollinis colebant Solem, in idolo Neptuni mare, in idolo Iouis ætherem, &c. ut referunt Eusebius lib. 3. præpar. cap. 2. & Augustinus in Psal. 113. & lib. 4. ciuit. Dei, cap. 10. & lib. 7. ciuit. Dei, cap. 5. & sequentibus.

Alij deniq; nec ipsas corporeas mundi partes in idolis colere se dicebant, sed animas earum partium, id est, Solis, Lunæ, Terræ, &c. ut referunt Eusebius lib. 3. ca. 3. præpar. & Augustinus loco citato. Sed omnes isti, ut patet, creaturas pro creatore coluerunt: nisi quis ita desipiat, ut homines mortuos, dæmones, elementa, stellas, creaturas esse neget. Id igitur Scriptura in Ethniciis reprehendit, quod adorauerint creaturam pro creatore: quod sanè Catholici nec faciunt, nec fecerunt vñquam, cum imagines nec Deos putent, nec imagines Deorum.

C A P V T XIV.

Soluitur argumentum secundum.

AD SECUNDUM argumentum ex Conciliis. Dico in primis Concilia duo Constantiopolitana fuisse illegitima. Quod patet PRIMO, quia non adiuit Romanus Pontifex nec per se, nec per legatos, ut ex Zonara, Cedreno, Paulo Diacono, & ex Synodo Nicæna II. action. 6. patet. Potrò regula est Ecclesiastica Concilij I. Nicæni, sine sententia Romani Pontificis, non licere Concilia generalia celebrari, ut præter alios refert Socrates lib. 2. cap. 13. SECUNDO, quia non consenserunt vlli Patriarchæ nec per se, nec per legatos, ut ex iisdem auctoribus patet: TERTIO, quia omnes auctores, qui de Conciliis generalibus scribunt; ut Psellus, Photius, Zonaras, Nicephorus, Cedrenus, Nicetas, Paulus Diaconus, Regino, Ado Sigeber-

tus,

tus, Abbas Vrspergensis, & alij, ista Concilia Constantinopolitana vel non numerant inter Concilia Ecclesiae, vel aperte reprehendunt.

Dico SECUNDUM, etiam si legitima fuissent, tamen eis derogatum esse per Concilium plenarium & verè generale, id est, secundum Nicænum.

Est autem hic notandum, Concilium istud Constantinopolitanum falsò vocari Ephesinum III. à multis recentioribus, vt ab eo, qui edidit Concilia in quadam admonitione missa VII. Synodo, & ab auctore summæ Conciliorū in principio VII. Synodi, à Sixto Senensi lib. 5. Bibliothecæ sanda, annot. 247. & ab aliis. Caussa erroris fuit, quia Concilio iiii profano præsedit Theodosius Episcopus Ephesinus. Nam quod verè non Ephesi, sed Constantinopoli habitum sit, patet ex omnibus antiquis historicis, & ex ipso Concilio, quod insertum habetur actioni 6. Nicæni Concilii.

Notandum SECUNDUM, Caluinū, & Magdeburgenses imprudenter laudare Concilium Constantinopolitanum predictum; nam illud Concilium etiam si de imaginibus impensis, tamen de cultu & inuocatione Sanctorum, & de meritis operum recte sensit, & anathema dixit iis, qui id docent quod nunc Caluinus & Magdeburgenses docent. Nam can. 15. anathematizat eos, qui non inuocant B. Mariam. can. 17. eos, qui non colunt, & nō inuocant Sanctos ceteros. can. 18. eos, qui non credunt Deum redditurum vitam æternam pro meritis operum secundum iustum iudicij sui libram. Habentur autem hi canones inserti in Concilio Nicæno II. act. 6. & eosdem fideliter recitant Magdeburgenses Cent. 8. cap. 9. ei quo sanè perspici potest eorū incredibilis vel stupiditas, vel impudentia, qui id laudant, à quo anathematizantur.

De Concilio autem FRANCOFORDIENSIS, quo præcepit nituntur aduersarij, dico tria. PRIMO, quidquid illud Concilium definit, non esse magni faciendum; nam sine dubio illi anteponendum est Concilium Nicænum II. quod certum est fuisse vniuersalius, antiquius, & sine controversia à summo Pontifice approbatum; nam constat ex ipso Concilio adfuisse legatos Papæ Adriani, & rursus approbatu à Leone III. patet ex luone 4. parte, cap. 147.

Dico SECUNDUM, si verum est quod dicunt Centuriatores Cent. 8.

Cent. 8. cap. 9. col. 639. nihil nobis eam Synodum obesse; nam ipsi dicunt, Synodo Francofordiensi non consensisse, sed repugnasse Adrianum, & legatos eius. At certum est Synodum, cui repugnat Romanus Pontifex, nullius esse auctoritatis, ut patet tum ex Gelasio in tomo de vinculo anathematis, tum experientia. Nulla enim Synodus vñquam habita est legitima, cui Romanus Pontifex repugnauerit.

Quid, quod ipsa Synodus Francofordiensis hoc ipsum docet? nam (ut ex Carolinis libris patet) Synodus Francofordiensis decreuit, iudicium ultimum controversiarum ad Romanum Pontificem pertinere, & hoc præcipuo argumento refellit Synodum VII. quia existimauit sine auctoritate Romani Pontificis celebratam: Ergo Synodus Francofordiensis, testimonio Magdeburgensem, seipsum destruit.

Præterea ibidem Magdeburgenses dicunt, Synodum Nicænam ab Adriano confirmatam; Concilium autem Francofordiense reprobavit Synodum factam sine Papæ auctoritate; ergo iudicio Magdeburgensem non est Nicæna nostra, sed aliqua alia, quæ reprobatur in Concilio Francofordiensi. DENIQUE ibidem docent Magdeburgenses, in Synodo Francofordiensi non esse definitum, ut imagines tollantur è templis, sed ut in templis quidem maneat, at non adorentur. Cur ergo ipsi è templis imagines tollunt? cur frangunt? cur non seruant Francofordiense decretum? Ex quo etiam refellitur mendacium Apologiæ Anglorum, quæ docet, in Concilio Francofordiensi decretum, ut imagines delerentur. At è contrario Synodus Francofordiensis testimonio librorum Carolinorum, Hincmari, & ipsorum Magdeburgensem, anathema dixit iis qui imagines delere volunt. PRAETEREA res ipsa idem ostendit; nam si ea Synodus id statuisset, cur non esset factum? Quis enim resisteret in Occidentali Ecclesia decreto Episcoporum omnium, & Regis potentissimi? Non esse autem factum, certo certius est: nulli enim historici id referunt. Immò Ionas Aurelianensis tanquam rem nouam, & fabricilem refert, quod Claudio Taurinensis in sua diœcesi imagines delere voluerit.

TERTIO dico, rem esse incertissimam, quid statutum sit de imaginibus in Synodo Francofordiensi. Nam antiqui auctores non sibi constant, nam in primis ipsum decretum Franco-

PPP PPP fordien-

fordiense, quod citatur in præfatione librorū Carolinorum, testatur in Synodo Francofordiensi damnatam Synodum, quæ Constantinopoli conuenerat, & imagines adorari iusserat. Vbi cùm nominat Constantinopolim, videtur loqui de Synodo hæreticorum contra imagines: at cùm dicit, ibi decreta, ut imagines adorentur, videtur loqui de Synodo Catholicorum.

Pari ratione libri ipsi Carolini dicunt, in Synodo Francofordiensi damnatam Synodum, quæ facta fuerat Constantinopoli in Bithynia sine auctoritate Papæ pro imaginibus adorandis. Vbi cùm nominat Constantinopolim, & dicit ab synodo abfuisse Papæ auctoritatem, videtur loqui de Synodo hæreticorum: Cùm autem dicit, in Bithynia, & pro imaginibus Synodum illam celebratam, videtur loqui de nostra Nicæna. Nam Nicæa est metropolis Bithyniæ, Constantinopolis autem in Thracia est.

Iam verò Hincmarus Remensis, cap. 20. lib. contra Hincmarum Laudunensem, qui ipso ferè tempore floruerat, dicit, in Synodo Francofordiensi damnatam Synodum, quæ Nicæa conuenerat sine Papæ auctoritate. Vbi etiam duo contra coniungit, ut patet. Aimoinus lib. 4. cap. 85. de gestis Francorum, & Abbas Urspergensis in Chronico anni DCC. XCII. scribunt in Synodo Francofordiensi damnatam VII. Synodum Græcorum, quæ conuenerat Constantinopoli sub Constantino & Irene. vbi etiam ipsi contraria iungunt inter se.

Multi autem historici recentiores dicunt in Synodo Francofordiensi damnatam Synodum de tollendis imaginibus quam Græci VII. generalem dicebant. ita Platina in vita Adriani, Blondus decadis secundæ lib. I. Sabellicus lib. 8. Eusebius 8. Paulus Æmilius lib. 2. de gestis Francorum. Propter hanc confusionem Alanus Copus Dialogo 4. & 5. docet, in Synodo Francofordiensi solùm damnatam Synodum Constantinopolitanam hæreticam: Nicænam autem non solùm non damnatam, sed etiam confirmatam, quam sententiam optarem esse veram, sed tamen suspicor esse falsam.

P R I M O, quia libri illi Carolini, licet falso inscribantur Carolo, ut dicimus, tamen sine dubio scripti sunt temporis Caroli, ut patet ex refutatione eorundem librorum, quæ condidit Adrianus I. & scripti videntur in Concilio Francofordiensi.

dienisi, & acta continere Synodi Francofordiensis. id enim asserit Hincmarus eius temporis auctor, & ipsi libri hoc præferunt: quod autem Synodus, quæ in his libris refutatur, sit verè Nicæna II. dubitari non potest, si legantur vel ipsi libri, vel Adriani responsio.

S E C V N D O, quia auctores antiqui omnes conueniunt in hoc, quod in Concilio Francofordiensi sit reprobata Synodus VII. quæ decreuerat imagines adorandas. Ita Hincmarus, Aimoinus, Rhégino, Ado, & alij passim docent. Dicere autem hos omnes mentiri, vel libros eorum esse corruptos, ut Copus dicit, videtur mihi paulò durius.

T E R T I O, quia si isti auctores loquerentur de falsa VII. Synodo, id est, de Synodo Constantinopolitana contrâ imagines, certè meminissent etiam in suis historiis Synodi Nicænae verè septime. At non meminerunt ullius Concilij VII. nisi istius, quod reprobatum dicunt.

Neque obstat, quod libri Carolini, & Abbas Urspergensis, & Aimoinus dicunt reprobata Synodus Constantinopoli habitam; nam Abbas sequutus est libros Carolinos, ut etiam Aimoinus: auctor autem eorum librorum vel lapsu memoriae, vel ex imperitia posuit Constantinopolim pro Nicæa, nam alioqui cum dicat Synodus celebratam in prouincia Bithynia, ubi Nicæa est non Constantinopolis, satis indicat, se de Nicæa loqui. Et similiter Abbas, & Aimoinus cum dicant, Synodus celebratam sub Constantino & Irene, clare demonstrant, se loqui de Nicæna Synodo, etiamsi per errorem nominent Constantinopolim.

Neque etiam obstat, quod Hincmaris, & libri Carolini dicant, Synodus reprobata in Concilio Francofordensi fuisse coactam sine auctoritate Papæ, quod est falsum de Nicæna, & verum de Constantinopolitana: Nam Hincmarus sequutus est libros Carolinos, ut ipse indicat. Auctor autem eorum librorum hoc mendacium finxit cum aliis multis, ut imponeret Synodo Francofordensi, ut mox dicemus.

Neque obstat ultimo quod Platina, Blondus, Sabellicus & Paulus Æmilius dicant, reprobata Synodus de tollendis imaginibus; nam in primis isti omnes recentiores sunt. Deinde quod ipsi dicunt, non pugnat cum antiquorum historico-tū dictis; nam in Synodo Francofordensi duæ Synodi repro-

PPP ppp 2 batæ

batæ fuerunt, nimis Constantinopolitana contra imagines, & Nicæna pro imaginibus, ut patet ex libris Carolinis, & ex Hincmaro. Et fortasse hæc est causa, cur antiquorum historicorum aliqui nominent Nicæam, aliqui Constantinopolim, cum dicūt Synodum Græcorum reprobata in Concilio Francofordiensi. Videtur igitur mihi, in Synodo Francofordensi verè reprobata Nicænam II. Synodum, sed per errorem, & materialiter, eo modo prorsus quo olim Synodus Ariminensis damnauit homousion. Nam auctor librum Carolinorum imposuit Synodo, duoque mendacia illibet trusit: Vnum mendacium fuit, in Synodo Nicæna definita fuisse, ut imagines adorarentur cultu latræ: Alterū, decretum illud factum a Græcis sine consensu Papæ Romani.

His duobus mendaciis pro veritate habitis, Synodus Francofordiensis reprobavit, & meritò, Nicænam Synodum quam profanam & illegitimam. Quòd illa duo fuerint persuasa Concilio patet ex ipsis libris Carolinis; nam in praefatione disertè habetur hoc modo: *Allata est in medium scilicet in Synodo Francofordiæ) questio de noua Græcorum Synodo, quam de adorandis imaginibus Constantinopolitæ furent, in qua scriptum habebatur, ut qui imaginibus Sandrum ita ut Deifica Trinitati seruitum, aut adorationem non impenderent, anathema iudicarentur, qui suprà sanctissimi Patres nostri omnimodi orationem, & seruitutem eis impenderent ruenentes contempserunt, atque consentientes condonarunt.* Hæc ibi. In ipso etiam opere introducitur Constantinus Episcopus Constantiæ Cypri in Concilio Nicæno thema dicens iis, q[uod] non adorant imagines eo cultu, quo adoratur sanctissima Trinitas. En klarè primū mendacium. Idem auctor klarè docet, ad summū Pontificem pertinere iudiciorum controversiarum fidei, & ideo Synodum illam pro adorando imaginibus nihil valere, quod Pontificis auctoritate careat.

Præterea auctores illi antiqui, qui dicunt reprobata falsam Synodum, quæ decreuerat imagines esse adorandas, sine dubio per illud, *adorandas*, intelligunt adorandas cultu latræ; nam ipsi quoque docent imagines esse venerandas, & tamen execrantur illam Synodum, quæ iubet imagines adorari. Ado in Chronico anni D.C. XCVI. dicit, Romæ in die exaltationis Crucis, à toto populo crucem osculari, & adorari so-

risolitam. Et in Chronico anni D C C. XVII. vocat imaginem venerandam, quam euerterat Philippicus hæreticus, & restituerat Theodosius Catholicus Imperator. R E G I N O lib. 1. Chronicis sub finem, agnoscit crucis adorationem, & deurbationem imaginum per Leonem Iconomachum factam scelus appellat. I O A N N E S Auentinus lib. 4. annalium dicit, Carolo Magno Imperatore designato imaginem eius in templo ab omni populo veneratam ipso præsente. A B B A S Vr- spergensis Chronicus, inuehitur in Leonem Isaurum, & Constantimum Copronymum propter imaginum deiectionem, eosque vocat impios, & Antichristi præcursoribus, & è contrario Gregorium Papam laudat, & sanctum virum fuisse dicit, qui propter imagines Christi & Sanctorum, Imperatorem excommunicauit.

Quòd autem verè mendacia sint, quòd Synodus Nicæna caruerit Papæ auctoritate, & quòd decreuerit imagines adorandas cultu latræ, certissimum est; nam in ipso Concilio Nicæno II. act. 2, recitantur epistolæ Papæ Adriani pro imaginibus, & in omnibus actionibus semper primi subscribunt Legati Romani. Deinde quod ad cultum attinet, in prima actione Basilius Ancyranus, qui antea fuerat hæreticus, cùm resipiceret & confessionem Catholicam ederet, toto Concilio audiente, & probante dixit, se imagines quidem colere, non tamen latræ, cùm ea soli debeatur Deo. Similiter Constantinus Episcopus Constantiæ Cypri in VII. Synodo, act. 3, loquutus est. Similiter loquuntur etiam ceteri act. 4. & 7.

Neque mirum videri debet, quod auctor librorum Carolinorum tam manifesta mendacia obtruserit Synodo Francofordiensis de Nicæna Synodo paulò antè habita; nam si nunc Magdeburgenses, & Caluinus scribere audent, nos colere imagines diuinis honoribus planè vt Deos, cùm tot libri Catholicorum, & ipsum generale Concilium Latinum, & in Germaniæ finibus Tridenti celebratum, disertè clamant contrarium: quid mirum si idem confictum sit de Synodo Græca, quam paucissimi legere poterant, & quæ in Oriente celebrata fuerat?

Si dicas, ergo saltem Concilium Francofordiense, quod frequentissimum fuit, & legitimum, errare potuit. R E S P O N D E O, potuit errare & errauit, non in iuris, sed in facti quæstione.

ne. Et præterea non mirum si errare potuit; nam non consensere Legati Romani, ut Magdeburgenses dicunt. Papa autem non solum non consensit, sed etiam refutauit Francofordiensis decretum, vt patet ex libri Adriani de imaginibus ad Carolum, vbi refutantur omnia mendacia illorum librorum Carolinorum.

CAPVT XV.

Soluitur argumentum tertium.

 V O D autem ex libris Caroli adferunt, in quibus præcipuum firmamentum causæ suæ constitutum. Dico eos libros neque esse Caroli, neque eiusmodi, quibus illa fides haberi possit.

Quod Caroli non sint, probatur P R I M O, quia exstat liber Adriani Papæ I. ad Carolum, in quo libri isti accuratè refelluntur, ex quo Adriani libro perspicue intelligitur libros istos ab aliquo hæretico compositos, & à Carolo ad Pontificem missos, ut eis responderet. Esse autem Adriani hunc librum, qui exstat in tertio tomo Conciliorum, cùm alijundè, tamquam ex Iuone intelligi potest; qui multa ex hoc libro nomine Adriani in 4. partem sui decreti transtulit.

SECUND O, constat ex historiis Græcorum & Latinorum, ut Zonaræ & Cedreni in vita Leonis Isauri, necnon Pauli Diaconi in vita eiusdem Romanos Pontifices, Gregorium III. Adrianum I. & Leonem III. defecisse à Græcis Imperatoribus, eos excommunicasse, vestigalia eis tribui ex Italia prohibuisse, sequē in tutelam Francorum contulisse, atque in eos tandem imperium transtulisse, ea de causa præcipue, quod Græci Imperatores hæresi Iconomachorum patrocinarentur, cùm è contrario Francorum Reges in fide antiqua constantes essent: Quomodo ergo verisimile est Carolum Imperatorem eadem hæresi laborasse, & pro errore Græcorum contra Romanum Pontificem scripsisse? Sed verba Zonaræ audiamus.

Igitur, inquit, Papa Gregorius deserta Imperatoris obediens ob peruersam illius opinionem, pacem cum Francis fecit, cùm prius saepe dedisset operam, ut Leonem per literas ab odio Dei reuocaret, atq; ad cultum sacrarum imaginum reductum. Et infra in vita Irenes: Adriano veteris Roma Papamor: